

(i)

**LIST OF MEMBERS OF THIRTEENTH SESSION OF THE FIFTH MIZORAM  
STATE LEGISLATIVE ASSEMBLY 2008.**

Sl.No.	Name of Constituency	Name of Members	Address
1.	Tuipang	P.P.Thawla	Tuikhuahtlang, Aizawl.
2.	Saiha	S.Hiato	Chaltlang, Mualveng, Aizawl.
3.	Sangau	H.Rammawi	Tuikual 'A' Aizawl.
4.	Lawngtlai	H.Vanlalthaliana	Legislator Home, Tuikhuahtlang.
5.	Chawngte	A.B. Chakma	Legislator Home, Tuikhuahtlang.
6.	Tlabung	Nihar Kanti Chakma	Legislator Home, Tuikhuahtlang.
7.	Buarpui	Zodintluanga	Tuikual 'A' Aizawl.
8.	Lunglei 'S'	Lalhmingthanga	Near Circuit House, Khatla.
9.	Lunglei 'N'	Dr.R.Lalthangliana	Kanaan Veng, Aizawl.
10.	Tawipui	Z.H.Ropuia	New Capital Complex, Khatla.
11.	Vanva	C.Lalrinsanga	Tuikhuahtlang, Aizawl.
12.	Hnahthial	F.Lal Thanzuala	Legislator Home, Tuikhuahtlang
13.	N.Vanlaiphai	D.Thangliana	E-78 Chawnga Road, Khatla Aizawl.
14.	Khawbung	K.Vanlalauva	Venghlui Aizawl.
15.	Champhai	Zoramthanga	Mc Donald Hill, Aizawl.
16.	Khawhai	Lalrinliana Sailo	Upper Republic Veng Aizawl.
17.	Saitual	R.Lalzirliana	Armed Veng North, Aizawl.
18.	Khawzawl		
19.	Ngopa	H.Rohluna	Ramthar Veng, Aizawl.
20.	Suangpuilawn	H.Lalsangzuala	Ramhlun South Aizawl.
21.	Ratu	Lalduhoma	Chawlhmun, Aizawl.
22.	Kawnpui	Sailothanga Sailo	Chhinga Veng, Aizawl.
23.	Kolasib	K.Lalrinliana	Legislator Home, Tuikhuahtlang.
24.	Bilkhawthlir	Lalchamlia	Electric Veng, Aizawl.
25.	Zawlnuam	Tawnluia	Tuikhuahtlang, Aizawl.
26.	Kawrthah		
27.	Mamit	Lalthlengliana	Bungkawn, Aizawl.
28.	Phuldungsei	Liansuama	Chawnpui, Aizawl.
29.	Sateek	B. Lalthlengliana	Bethlehem Veng, Aizawl.
30.	Serchhip	Lal Thanhawla	Zarkawt, Aizawl.
31.	Lungpho	K. Lianzuala	Electric Veng, Aizawl.
32.	Tlungvel	Lalchhandama Ralte	Chandmary West, Aizawl.
33.	Aizawl N-I	Dr. Lalzama	Chaltlang Lily Veng, Aizawl.
34.	Aizawl N-II	H.Liansailova	Bawngkawn Chhim Veng, Aizawl.
35.	Aizawl E-I	K. Sangthuama	Electric Veng, Aizawl.
36.	Aizawl E-II	H. Vanlalauva	Chhinga Veng, Aizawl.
37.	Aizawl W-I		
38.	Aizawl W-II	Lalrinchhana	Mc Donald Hill, Aizawl
39.	Aizawl S-I	R. Tlanghmingthanga	Venghlui, Aizawl.
40.	Aizawl S-II	R. Khawpuithanga	Tlangnuam, Aizawl.

...(ii)-

## MINISTERS & MINISTERS OF STATE PORTFOLIOS

<u>Sl.</u>	<u>Name of Minister/Minister of State.</u>	<u>Name of Department allotted.</u>
1.	Pu Zoramthanga Chief Minister	1. Finance 2. Planning & Prog. Implementation. 3. General Administration 4. Vigilance. 5. Political & Cabinet 6. Election. 7. Power & Electricity 8. Public Works Deptt.
2.	Pu Tawnluia Minister	1. Home 2. Public Health Engineering. 3. Personnel & Administrative Reforms.
3.	Pu R. Tlanghmingthanga Minister.	1. Health & Family Welfare 2. Secretariat Administration. 3. Social Welfare.
4.	Pu Lalrinchhana Minister	1. Animal Husbandry & Veterinary. 2. Transport 3. Industries.
5.	Dr. R. Lalthangliana Minister	1. School Education 2. Environment & Forests 3. Land Revenue & Settlement 4. I & P.R.
6.	Pu H. Vanlalauva Minister	1. Rural Development 2. District Council Affairs 3. Prison.
7.	Pu B. Lalthlengliana Minister.	1. Urban Development & Poverty Alleviation. 2. Fisheries 3. Taxation. 4) Printing & Stationeries.
8.	Pu H. Rammawi Minister	1. Agriculture 2. Law & Judicial. 3. Parliamentary Affairs 4. Horticulture.
9.	Pu K. Sangthuama Minister of State	1. Food & Civil Supplies 2. Sericulture. 3. Co-operation. 4) Disaster Man. & Rehab.
10.	Pu Z.H. Ropuia Minister of State	1. Sports & Youth Services 2. Labour & Employment 3. Tourism.
11.	Dr. Lalzama Minister of State	1. Higher & Technical Education 2. Art & Culture 3. Excise & Narcotic 4. Information Technology.
12.	Pu K. Vanlalauva Minister of State	1. Local Administration. 2. Social Welfare 3. Trade & Commerce 4. Soil & Water Conservation.

(iii)

Z A W N A W L N A

			Page No.
1	List of Business	-	1 - 2
2.	Obituary	-	3 - 10
3.	Zawhna leh chhanna	-	11 - 19
4.	Laying of Papers	-	20 - 22
5.	Announcement (Regarding Resignation of MLA)	-	23
6.	Presentation of Reports	-	23 - 24
7.	Session summary	-	24 - 26
8.	Summary of Fifth Assembly	-	26 - 31

**SPEAKER** : I awmdan tur chu Lalpa chungah ngat la:  
Amah chu ring la, a man a ti vek ang.

Sam 37:5

Obituary hun kan hmang ang a. Vanduai thlak takin kan Minister ni lai. Pu Aichhinga'n a hun lo tak kan tihah chatuan ram min pan san a, chuvang chuan a sunna hun kan hmang a. thusawi turin House Leader zahawm tak Pu Zoramthanga i lo sawm ang.

**PU ZORAMTHANGA  
CHIEF MINISTER** : Pu Speaker, hei kan Member leh kan Minister zahawm tak Pu Aichhinga, hun rei tak he House-a kan rawngbawlpuia a awm hnuah hun kan tih loh lai takin min boral san a. A ni hi Minister ni chungah, Minister dinhmuna ding chungah kan chan, kan Sorkarah chuan a awm chhun niin kan hre hial a. Chuvangin pawl kan ti em em a. Chuvangin, vawiinah amah sunna kan neih theihna hun tha nangina min han siam sak hi a hlu a, a lawmawm, a lehlamah chuan kan ti bawk a ni.

Pu Aichhinga hi Cabinet Minister zahawm tak niin, zunthlum leh kal natna avangin July 1, 2008 (Thawhlejni) chhun dar 1 leh minute 45 khan a chenna in Babutlangah a boral a, kum 68 a upa a ni.

Pu Aichhinga hi Pu Chhonzika Chhakchhuak leh Pi Khuangchelhlovi fa pathumte zinga a mi lai a ni a. July 18, 1940 khan Zawlse, South Khawbung bul kuaah khian a piang a. Zawlsei kua atangin naupang te a nih laiin Neihdawn kuaah an pem a, chutah chuan a seilian ta a ni. Kum 1963 khan Khawzawlah an pem leh a, hetah hian thalaite zingah hruaitu pawimawh tak leh khawtlang tana mi tangkai tak a ni a.

Kum 1979 khan Pi Lalruali nen an innei a, fapa 3 leh fanu 1 an nei a. Kum 1980 kumtir lam khan Aizawlah eizawna kawng dapin a rawn chhuk a. Pu Aichhinga hi lehkha thiam thei, thluak tha tak a ni a, kum 1953 khan Neihdawn Primary School atangin Class-III pass-in hemi kum hian Mizoram Scholarship Middle School-a a kal chhung zawngin a la nghe nghe a ni.

1961 khan Champhaiah Gandhi Memorial High School atangin Matric Second Division-ah a pass-a, hemi chhung hian keini in pawl dun kan ni a, pawl VII - X thlengin pawl ho kan ni a, mi lehkha thiam thei tak, amah pawh hi an fakna thin chu, kan zingah kutziak mawi berte zinga mi a ni, an tih thin a ni a. 1961 khan Matric chu 2<sup>nd</sup> Division-ah a passed a, hetihlai hian Champhaia Gandhi Memorial High School atangin a hma zawng pawhin II Division

.....4/-

**FIFTH LEGISLATIVE ASSEMBLY OF MIZORAM  
(THIRTEENTH SESSION)**

bak hi an la awm lo hrin hrin a. I Division kan la nei lova, a passed tawhte zinga Division tha ber kan neihte zinga mi a ni. 1963 khan Aizawl College atangin I.A. II Division-ah a passed leh a, private-in B.A. a zir chhonzawm a, amaherawhchu. 1966-a rambuai avang khan B.A. chu a zo hman ta lova. 1961 - 1966 khan Khawzawl Middle School-ah Headmaster hna a thawk a ni. Kum 1966-a ram a lo buai khan MNF underground a zawm ve nghal a. 1973 khan man a ni a, kum 1979 thleng Jail-ah a tang a, Jail atanga a chhuah hnd rei vak lovan man a ni leh a. 1982 atanga 1983 khan a tang leh a, Jail chhungah Krismas pawh vawi 7 ngawt a hmang a ni. Kum 1980 - 1986, remna ziah ni thleng khan MNF President, Emissary-ah Remna Palai hna pawmawh tak thawkin a hun a hmang a ni.

**LIST OF BUSINESS**

**FOR ONE DAY SITTING ON TUESDAY, THE 9<sup>th</sup> SEPTEMBER, 2008  
(Time 10:30 AM to 1:00 PM and 2:00 PM to 4:00 PM)**

Pu Aichhinga hi kum 1987 Mizoram State inthlanpui hmasa berah khan MNF Party ticket-in Kolasib bial atangin hneh taka thlan tlin a ni a, Minister of State niin Power & Electricity-te, LAD-te enkawlin, PWD-ah Chief Minister a pui hawk a. Kum 1989 inthlanpui khan MNF ticket bawkin a bial ngai Kolasib-ah inthlanpui hawh leh a ni. Hemi tum hian Opposition lamah kum 5 a thu ve leh a. 1993 inthlanpui khan Kolasib bialah a ding leh a, mahse vanduai thlak takin a tling ta lo a ni. 1998 MLA inthlanpui khan MNF ticket bawkin Khawzawl bialah thlan tlin a ni leh a, hemi tum hian Cabinet Minister-a lakluh a ni a. Portfolio hrang hrang, Food & Civil Supplies-te, Trade & Commerce-te, Relief & Rehabilitation-te, Agriculture-te Horticulture-te, Art & Culture Department-te a enkawl a. Kum 2005 MLA inthlanpui khan Aizawl West-I bialah MNF ticket-in thlan tlin a ni leh a, Cabinet Minister ni leh in Rural Development Department-te, Trade & Commerce leh Soil & Water Conservation Department-te a enkawl a. Kum 2007 kumtawp lam atang khan R.D. Department a enkawl aiah chuan Mizoram Sorkara Department thar Urban Development & Poverty Alleviation chu enkawl tura ruat a ni a, chu chu a thil ni thlengin a enkawl Department lian a ni.

**OBITUARY**

**PU ZORAMTHANGA**, Leader of the House, to make a reference on the demise of Pu Aichhinga

**QUESTIONS**

QUESTIONS entered in separate list to be asked and oral answers given.

**LAYING OF PAPERS**

**PU B. LALTHLENGLIANA** to lay on the Table of the House a copy each of :

- 1) The Mizoram Value Added Tax (Amendment) Rules, 2008
- 2) The Mizoram (Constitution of State Election Commission) Rules, 2008.
- 3) The Aizawl Development Authority (Amendment) Rules, 2008.
- 4) **PU ZORAMTHANGA** to lay on the Table of the House a copy each of :
  - 1) The Sinlung Hills Development Council (Constitution and Conduct of Business) Rules, 2008.
  - 2) The Sinlung Hills Development Council (Election) Rules, 2008.

5. **PU TAWNLUIA** to lay on the Table of the House a copy of The Mizoram Water Supplies (Control) (Amendment) Rules, 2008. Pu Aichhinga hian Vanapa Hall-a Revival Crusade hi inlam atangin a lo thir ve thin a, June 27 zan khan Speaker-in ama hming lam ngeia a damna a puan sak kha ringhlel lovin June 29 Chawlhni zan khan amah ngeiin a damna hi Vanapa Hall-ah a puang ve a, Damna a puan hnu hian thlarau lamah hlimna nasa tak changin, a testimony thenruat thate zingah a sawi nasa hle thin a ni. July 1, 2008 khan chhungkuain hlim taka an damna chante an sawi a, tawngtaina an neih laiin a taksa a chau thut a, amah enkawl thintu Doctor koh a ni a, mahse, natna awm tawh lohna lamah damna famkim changin hrehawm tuar tawh

lo turin chawhnu dar 1:45 khan thlamuang takin min kalsan ta a ni. Kan Minister tangkai hun lo taka kan sun ta hi pawl kan tiin, kan ui a, a kalsan takte Pathianin a thlamuan zel kan beisei a ni. Ka lawm e.

**SPEAKER** : Sunna hun kan hman mek hi Pu Aichinga nupui fanaute, chhungkhat laina leh thenrual tha ten Gallery atangin min hmanpui a ni.

Hour a ei tih kha hria ila.

Kan hriat reng tur chu, hei hian Question

Pu Lal Thanhawla i lo sawm ang.

**PU LAL THANHAWLA** : Pu Speaker, House Leader zahawm takin chipchiar takin a naupan lai atanga chhut chhuakin a thihni thlengin a rawn sawi tawh a, sawi zui a ngai lova. Sawi tur tam tak chu ka hria a, mahse, a personal relationship deuh chauh ka sawi ang a.

Rambuai hnu a inhre ve kan ni a, tuna House Leader sawi ang khan Peace Emissary—a thawkin Pu H. Vanlalauba te nen hian thahnemngai takin an thawk thin a, keini pawh remna leh muanna zawng kan nih avangin kan Party leh kalphungte inang lo mahse kan inkawm zing hle a. Rambuai thimchhah lai a ni a, engemaw thil duhawm lo tak a thlen changin rinhlelha man an ni ve deuh ziah a. A chang chuan keini inahte himna zawngin an rawn tluk luh changte a awm a, Col. Lalruata te ho nen, inhre hnai tak kan ni a. Quality tha tam tak a nei a. Remna leh Muanna zawnaah pawh k'an a tum a ruh hle a, an duhna pawh a tichiang thiam hle a. MNF Leadership ngaihtuah phung leh engkim kha Central Leadership-a thlen a tul pawhin chiang takin huaisen a tul hunah huaisen takin, inngaitlawm a tul hunah inngaitlawm takin chutiang ang chuanin a thlen thin a. min thlen tir ve bawh thin.

Tin, kan ngaihthlak tawh ang khanin, a tang zing hle a, rambuai thim chhah lai khanin engemaw ambush tih angreng chite a thlen khanin helaliah MNF aiawha Emissary ta chu Sorkar tan khan rinhlelhawmte pawh a ni mai thei, man an tawh zing hle a ni. Jail-ah te pawh khatih lai khan Sorkar lam tang lo leh a hminga hel lam tang angte kha a tihbaiawm hle thin a ni. Chungte avang chuan a kantu nihte, a ngaihventu nihte pawh kha a raltit awm a ni ang, chutiang ang hmuh zawh loh changte kha a awm thin a. Chung ang nikhuaah pawh huaisen takin a tul ang ang chu tuar mai zel chi a ni a. Tin, keini tehlu pawhin a tul angin kan lo dinpui ve thin a ni. Tin, remna leh muanna atana

inbiak tan tirh atang khanin theihpatawp chhuaha tan la a ni a. sincere takin Zoramim remna leh muanna kan mamawh a ni tih hriain a theih ang tawh tawh MNF leadership-ina an authorise piah lamah pawh khan dik leh thaa a hriatte phei kha chu huaisen takin a dipui thin a ni. Minister angtein kan thawk ho a. opposition lama awm angte pawhin kan thawk ho a. chutiang ang hunah pawh chuanin House-ah hian House dignity kenkawh tum pawl tak niin, engemaw han inbah chang pawhin House decorum hi a kengkawh hram hram thin tih hi helaia thu thin chuan kan hria anga. Tin. Minister a nih pawhin inggaitlawm takin a dinhmun kha zahawm takin a kengkawh thin a. engemaw House chhunga inbah chang pawhin tidiklo nia a inhriat kha chu huaisen takin thupha chawin a sawi ngam mai a. Tin, dika a hriatah pawh huaisen takin a tang mai a. chutiang chuan mihuaisen tak a ni a. Mizopa, pa rinawm kan tih ang chi hi a ni. Minister a ni emaw nilo emaw, hun khirh laiah harsa takin a nung emaw, operation a awm emaw, mi chapo a ni ngai lova. inggaitlawmna quality tha tak neiin tiang ang chuan a dawrtute pawh a party mi leh sa nilote pawh kan han indawr thinnaah hian mi polite tak a ni. Natna harsatna a tawh hnuachte House-a a thut khan a taksaah harsatna a tawh a ni tih kha a thut danahte a lang thin a ni. Nimahse, chuti chungin tlawmngai takin, pachang takin a tih tur a bial mipuite leh Minister a nihna anga a duty kha ti turin a rawn kal hram hram thinte kha a hmuhawm kan ti a. a ropui kan ti a. tlawmngai thei kan ti a. Tin. khatiang ni mahselangin a tih tur ang kha Minister a nihna angin tihbahlah a awm lo niin ka hria a, a tawp thlengin.

Tin, Pathian tihdamna a changte kha T.V-ah te kan lo en ve a. kan lawmpui a. amaherawhchu. Pathian remruatnain natna awm tawh lohna ramah Lalpa'n a la ta hi, ni e, mihring lam chuan a hun lo kan ti a. Amaherawhchu, kan thatna turin engkimin a thawk thin, chutiangin engkim hretu zawkin hetiangin a hahchawlh tir ta hi mihring lam chuan hun lo kan ti, kan ui khawp mai. A kalsan tak a chhungkhat, lainate, a nupui fanaute pawh Lalpan awmpuiin thlamuan se kan ti a, kan duhsakna kan hlan a ni. Ka lawm e.

**PU LALHMINGTHANGA** : Pu Speaker, ka lawm e. Hei, vawiinah helai House-ah kum tam tak kan lo thutpui thin, tin, Cabinet Minister a nih lai ngeia kan chan tak kan thian, tin, kan thawhpui, ram tana thahnemngai tak thin Pu Aichhinga chungchang thu kan han sawi hi a hrehawm angreng hle a. Term-te pawh a tawp lek lek tawh a. duhthu ramah hi chuan term-te hi han hmangchhuak ve se tih hi amah ka ngaihtuah chang apiang hian ka rilruah a awm thin a ni.

Pu Aichhinga hi kan inhriat tantirh dan atanga kan personal relationship tlemte han sawite ka duh a. 1980-ah khan Office ka la vawn ve lai a ni a. Khitah, nichina kan House Leader zahawm takin a sawi anga. Pu Denga emissary, MNF President emissary a rawn nih khan Phaizawla an

rawn luhin, tlang takin ka office-ah lokalin, Emissary a nih thute, remna leh muanna Zoramah awm thei tura hmalak a tul thute min rawn hrilh a, khatiang anga a nihna zep miah lova, rambuai karah thil a han sawi kha ka ngaisang em em a ni. Tichuan, a mimalah chuan kan inkawmngeih chho hle a ni.

Tin, kawng hrang hrangin Politics kan thlir dante kha a khat tawkte pawhin kan sawi ve nawk nawk thin a. Tin, amahah khan quality tam tak a awm a. Hlaphuah thiam takte pawh a lo ni a, a hlaphuahte pawh engemaw zat chu min pe a, ka lehkhuahte pawh ka la vawng tha ve a ni. Tichuan, a hmaa kan hotuten an han sawi ang khan a thil tih tawhah leh a hmalaknaah Pu Aichhinga hi pa rintlak tak mai a ni a, 1982, 1983 chhova man a lo nih a. Jail-a a han awmte pawh khan a chanchin hi theih ang angin ka'n ngaihsak chhonzawm ve thin a, chungah pawh chuan, Jail chhungahte mitangte tana beiseina siamtu leh pa chan chang thiam tak a ni tihte ka dawng chho zel a ni.

Tin, Politics-ah hian khang hunlai atanga thiam ang anga thurawnte inpe tawn ve thin kan ni a, a thurawn tam tak hi a rintlakin a zawm awm em em thin a. Politics kalsual deuhhleik, khatiang ang thilah pawh khan, Sorkarna kan neih laite khan buai eng engemaw a tam a, chungah pawh chuan thurawn tha tak min siam saktu a ni a. A mimal tak pawhin ka ui takmeuh tih sawi tur niin ka inhria a.

Tin, 1988-a Ministry kan siam hote khan kum I chhung chu hna kan thawk ho a ni a, hnathawhpui nuam tak, rilru zau tak, mi itsikna neilo, chutiang mi chu a ni a, fakawm ka ti em em thin a. Chumi hnu lamah chuan opposition lam atangtein ama portfolio-te, engemaw zawhna leh chhannate kan han siam a, chutianga kan tih pawhin thinnel tak leh zaidam taka a hna awmdan sawifiah a, House-ah pawh information tha tak min petu a nih pawh kan hretlang theuhin ka ring a.

Thui tak sawina hun niin ka hre lova, kan party MPC aiawh leh keini MPC aiawh hian kan ui takzet a ni tih ka'n sawilang duh a. A kalsan tak a nupui leh a fanaute zawng zawng hi Lalpan malsawm se, a ni hmun ruak pawh hi Lalpan luahkhat se tih kan duhthusam a ni.

**PU H. VANLALAUVA  
MINISTER**

: Pu Speaker, Mizoram Remna leh Muanna a neih theihna tura Emissary hna ka thawhpui, Aizawl West - I Bialtu MLA, Minister zahawm tak Pu Aichhinga sunna he House zahawm taka neih a lo tul ta mai

hi lungchhiat thlak ka ti a. Mizoram tan channa nasa tak a ni. Pathian leh kan ram tana a hnathawh chhuanawm tam takte hi he House zahawm tak leh Mizoram hian a theihngilh ngai tawh dawn lo a ni.



Pu Speaker, Politician chhuanawm tak Pu Aichhinga chanchin tam tak kan hotuten an sawi tawh avangin sawi duh ngah hle mah ila ka sawi tam tawh lo mai ang a. Hun rei tak kan thawh dun chhunga amahah zirtur leh entawn tur ka hmuh tam tak te zinga tlem tal han tarlan chu ka tihmakmawhah ka ngai a ni. Pu Speaker.

1. Mizo pa tak a ni. Ka sawifiah thiamlo. 'Mizo pa tak a ni' tih hian a hrilhfiah berin ka hria a. A rilru ngaihtuahna engkim kha a mizo a, chumi ang chuan thil a tiin a nunpui a. Mizo hnam thinlung pu mi tak tak a ni. i ti mai ang kan hrethiam mai awm e.

2. Thawhho thiam tak a ni. A thawhpuite duh dan leh ngaihdan ngaichang thiam tak, midangte thawhpui thiam tak leh thawhpui nuam tak mai a ni. A duh dan leh ngaihdan ni chiah lo pawh a tam ber duh dan lawm taka pawm thei zel mi, rorel thutlukna a nghet taka ding zel thin mi a ni.

3. Mi rilru nghet, mi tumruh a ni. Politics-ah thildangah pawh a seh chu nghet taka seh tlat mi, danglam mai mai ngai lo, mihring, mi tumruh, beidawng ngai lo mi a ni.

4. Mi taima, Principle nei mi a ni. Pathian leh kan ram tan taima taka ngaihtuahna hmang thin mi, ruahmannate tipuitling tura taima taka hnathawk thin mi, ruahmannate ti puitling tura taima taka hnathawk thin mi a ni a. Eng hna pawh pending lova thutlukna rang taka siam thei zel mi a ni.

Pu Speaker, I mi kaihhruaina a tun term (kum 5) Chuang tak kan hmang zo dawn emaw kan intih laia, mizo Politician chhuanawm tak Pu Aichhinga kan chan ta mai hi runthlak ka tiin, Mizoram tan channa nasa tak a ni tih ka sawi nawn duh a. A kalsan tak a nupui, a tu leh fate, a nu leh pa leh a chhungte zawng zawng he House hian a tuarpui takzet a. Thlamuanna Pathianin awmpuiin malsawm zel rawh se tih hi ka tawngtaina a ni. Ka lawm e.

**PU LALDUHOMA**

: Pu Speaker, Pu Aichhinga te nen hian nu leh pa atanga unau anga inen thin kan ni a. Rambuai lai pawh khan kan khuaah rawn tlan chhia in kan kawmthlangah bawkte an khawh a. rethei takin a nu leh pa te nen khan a thlum a al eizain kan lo awm tawh thin a. Khawzawl Middle School-ah khan kan Headmaster a ni a. A sikul naupang ka ni a, a sikul naupangte zingah khan a duh ber leh a rin ber pawl ka ni ve a. Zan riaka an zin zauh changte pawhin In chahbi min kawltir a zanah keimahin an In min ven tir a, ka lo

riak char char thin a ni. Amah hi football thiam tak mai a ni a. Zai a thiam a. hlaphuah a thiam bawk a. Hnah tum te thleng hian a thiam em em a. A hmel a tha a. a kutziak a mawi em em bawk. Kan Headmaster kan ngainat em em a niin a ni pawhin a naupang, a ngainat em em thin kha ka ni a, mimal takin channa a tlingin ka hria a. Tin. Emissary hna a thawh lai khan hei kan Minister zahawm tak, Pu H.Vanlalauva te nen hian thu harsa pui pui vawi engemaw zat sawiin kan inhmua fal fo thin a. A thahnemngaihna te kha a sang hle thin a ni. Vawikhat chu MNF Party aiawha MP candidate ni tur khan kan Inah ama hovin a siruk lain minrawn nawr a. Keiin theihtawpin chhuanlam ka lo siam a. A mangang tih ngaihna hre lo khan. 'Kan tawngtai phawt mai ang e', a ti a. A tawngtai a, a chanve a tawngtai atang khan a chham chho zel a, min chham fel ta vek mai a, a amen zawh chuan kan nui hak mai a. Tan lehna chi pawh kha a ni tawh lova, chutianga mi han hnuhluih te kha a thiam em em a ni. Tin, helaiah House chhungah awmna te a inan loh avangin hriam tak taka han in tih chang te kan nei a. Dam dum maia min han chhang thin te kha zir tura min hnutchhiahin ka hria a, a ropui takzet zet a ni.. A boral laia amah thlahliam tur ka awm ve thei lo kha pawh ka ti a. Ka zin hlan a ni a. A kalsan tak a chhungte Pathianin thlamuan a awmpui zel kan duhin kan beisei a ni. Ka lawm e.

**PU TAWNLUIA  
MINISTER**

: Pu Speaker, vawiinniah he House-a kan rorelpui thin, kan member nih pui, tin, sawrkar lamah kan Minister colleague, tin, mihring mihrin naah ka u, Pu Aichhinga, House a sunna hun pawimawh tak, khun khan takah hian thu sawi ve tura inggaihna ka nei a. Mimala kan inzawmna bakah Party-a kan thawh honaah te, sawrkar kan thawh hona te pawh chhutin vawiinniah hian Pu Speaker. a ni chungchang hi han sawi ve leh ka duh a ni.

Pu Aichhinga hi mi rilru ruh tak leh tum ruh tak a ni a. Rilru chak leh ngaihtuahna hmang zung zung a, ngaihtuahna thiag tak nei decision siam huna rang taka thutlukna pawh siam zung zung thei hi a ni a, khawtlang nun leh khawtlang rawngbawlnaah mi thil chik, chutianga rilru nget tak nei chu a ni a. Mi taima leh tumruh a ni a. A kutziak a that rual rual khan, a kut a themthiam a, a pa pawh hi thirdeng mistiri thiam tak a ni a. Chutiang chuan a pa a chhun a, kuta thil han siam velte hi a thiam em em a, a handwriting te pawh hi kan chhuang em em thin.

Tin, kan hriat theuh ang khan lehkhathiam thei tak a ni a. Champhai Middle School Hostel-ah ka lut ve a, chutah chuan ka u Lianhnuna nen hian inkawp tlat, inthen ngai lo an ni a. Chung atang chuan a boralni thleng khan ka u in min boral san hnu pawhin a ni hi ka u a ka neih tlat. a ni pawhin boral mahse "kei ka awm a lawm" ti a min hnemtua a ni a, chutiang tak mimalah pawh

inhnuok hngang ve kan ni a, vawiinniah hetiangam amah sunna hun kan hman a ngai ta mai hi ka rilruin hrehawm a ti a, vawiinniah amah ka ngaihna a lian em em a ni.

Tin, Pary-ah hna kan thawk tlang a. remna kawng chungchangah pawh Pu Laldenga'n Emissary-ah hmangin tiang khan India sorkar leh MNF Party pawh, tin, MNF leh Pu Denga te Headquarter leh ama awmna inkarah te, Mizoram mipuiaah te khatiang ang khan emissary atan a ruat, mi rintlak a nihna Pu Denga pawhin a hman, Zoram mipui pawhin kan ngaihthlak ang khan kan chhawr bawk a ni tih a hriat a ni.

Ani hi a leadership quality hi a sang em em a. a awmna leh awm loh hi rorelnaah hian a lang em em, chutiang ang khawp mi influenciachu a ni a. Vawiinniah kan chan ta hi a uihawm em em a ni. Kan sawi tak leh kan hriat ang khanin zai pawh a thiam a, hla pawh a phuah thiam a, nuihza fiamthu te a ngaina a, kawng hrang hrang khan quality a ngah em em a. Vawiinniah hian ka rilruah ama chungchang ka ngaihtuah a lo lang fo a awm a, underground khan kan chhuak a. Khawzawl dai Mukte kamah khian camp-ah a hovin kan awm a. Chutihlai chuan kan zingah khan nula tlangval an awm a, an inneih kha a ngai ta si a. Ka inneih tir mai ang che u in duh em a ti a, a inneih tir a ni. Chutilochuan a fello zawk kha awmin a hre si a. Khatiang khawp khan thu tlukna leh ama ngaihdana pawimawh a a hriat chu a ti mai a ni. Tin, ramhnuaiyah Sazuk tlangdunga kan awm lai khuanin Masalung-ah an duty-a, mawhphurhna a chelh lai khan a dam lo chiam mai a, a thianpa amah enkawltu hnenah khan 'Masang, ka thaw peih tawh lo', a ti a. "Pachhing thaw hram hram rawh" a ti a. A rilru a awm sawi chhuak mai mi a ni a.

Tin, a hlim thei hle tih kan hria a, kan hotupa pheichuan 'Pu Aichhinga hi chu a nui hma lam deuh a ni' a ti a. Amahah zia chi hrang hrang huatthlala si lo ngainatawm tak tak a awm a ni. Quality a ngahin vawiinniah hian a chhuanawm em em a ni. MNF Party-ah kan Assistant Secretary te niin, President Secretary te niin, General Secretary te a ni a. Minister a nih hnu pawhin High Command Member niin min uap lumtu tak tak a ni. Chuvangin, vawiinniah hian hrehawm tam tak tuara tan inah te, ramhnuaiyah te, Zoram mipuite rawng a bawl hnuah Pathian leh mipuite duhsakna a zarah he House-a a performance an thawh puitlin pawh hi sawi tur tam tak a awmin ka hria a. A bik takin Bawngkawn leh Chandmary inkar Kawngpui, Ramhlun road kan tih widening tih zauhnaah sawn thapui thawhtute zinga mi kan Chief Minister boral ta Pu Denga nen khan sul sutu a ni a. Vawiinni thlengin sawngah sawn hming a chher ni tein ka hria a, vawiinniah hian a uihawmin hriatreng tlak anih thu kha kan sawi duh a ni e. Pu Speaker, ka lawm e.

**S P E A K E R** : Kei pawhin sawi tur chu ka nei nual a, mahse hun kan la tam deuh tawh a, sawi lam kan ti tawh lovang a. Tunah chuan Pu Aichhinga sun nan minute khat ngawi rengin i lo ding ang u.... Tunah chuan zawhna leh chhanna hun kan hmang zui ang a. Starred Question pakhatna zawt turin member zahawm tak Pu F. Lal Thanzuala ka sawm e.

**PU F. LAL THANZUALA** : Pu Speaker, ka zawhna No. 1 na School Education Minister chhan atan - SSA zirtirtute hi kum 2010 scheme tawp hunah sorkar hian rawih zui zel tumna a nei em? tih ka zawt e.

**S P E A K E R** : Chhang turin School Education Department changtu Minister zahawm tak Dr. R. Lalthangliana ka sawm e.

**Dr. R. LALTHANGLIANA MINISTER** : Pu Speaker, kan MLA zahawm tak Pu F. Lal Thanzuala zawhna chhanna chu kum 2010 a tawp tur ni lovin 11<sup>th</sup> Plan period kum 2010 thlenga SSA hi kalpui a ni dawn a ni. Chuvangin SSA zirtirtute chhawr chhunzawm zel dan tur hi tunah ngaihtuahna a la awm rih lova. 11<sup>th</sup> Plan a tawp hunah hemi chungchang hi kan ngaihtuah ang.

**S P E A K E R** : Pu F. Lal Thanzuala.

**PU F. LAL THANZUALA** : Pu Speaker, zawhbelhna pakhat ka neih chu - Hei, Aided School te a awm a. Lumpsum Aided School te pawh a awm a. Zirtirtu mamawh tak tak te an awm a. Hengah hianin SSA zirtirtu hi a dah belh theih em? tih hi ka zawt duh a ni.

**S P E A K E R** : Pu Zodintluanga.

**PU ZODINTLUANGA** : Pu Speaker, thlahmasa mai khan Lunglei District-ah sawn Adhoc running Aid School te. Upper Primary School zirtirtu tur te. Education Volunteer an tih ang chi ang te kha lak an ni a, Sorkarah interview te an nei a. Tunah sawn kan Minister zahawm tak, a bial tur a ni bawk a. Buarpui khua ami an lak ve a te saw, vawiinniah Pu Speaker, Party angin. Party workers ten Ruling Party a an in enkawl phawt loh chuan ban tur a ni tiin banah an vau reng mai a. Heng hi kan Minister zahawm tak hian a hriatpui a tih nge ni? Hetiang sorkarina interview te kaltlanga engkim a lak hi Party Member te an nih loh mai avanga ban theih mai em ni? tih kha min hrilhfiyah turin kan Minister zahawm tak ka phut a. Chutianga a hriatpui lo a nih chuan hetiang sorkarina a lo lak tawh te hi Party a enrollment loh vang mai a ban theih an ni lo te hi he House-ah hian Assurance min pe turin ka rawn zawt a ni e.

**PU K. LALRINLIANA** : Pu Speaker, S.S.A. sum hi a zavai hian central-in a tum fai vek ni lo deuh a hriatna a awm a. Chutah chuan State hian matching share engzat nge kan pek ve tawh? Central-in engzah nge min pek tih kha chhan a har deuh mai thei a, thenkhat ten Central tum fai vek nia lo ngaite an awm thei a, chungah pawh chuan a tangkaina a awm mai thei a, chu chu ka han zawt ve duh a ni.

**PU LALDUHOMA** : Pu Speaker, School engemaw zat lumpsum grant dawng thin te kha tunah hian Adhoc status a hlan chhoh an lo ni ta. Chumi atana zirtirtu lak te pawhin an zawm tawh hlawm a. Amaherawhchu, chung School te chuan a grant a kha an la dawng chuang lova. Khami sum kha engtikah nge pek chhuah a nih theih ang a, engtik atangin nge hlawh hi an lak theih ang? Tin, an lo la har deuh a nih pawhin an joining date atang khan hlawh hi pek an ni dawn em tih ka zawt e.

**Dr. R.LALTHANGLIANA  
SSA MINISTER**

: Pu Speaker, lumpsum grant-in-aid School-ah a dah thei em tih kha chu a remchang lo hei hi chu tih kha ka chhanna ni sela. A chhan chu lumpsum grant hi chu private school tan liau liau a ni a. Sawrkar-in lumpsum-in cheng nuai khat te nuaih khat leh sing hnih te anga kan pek kha a ni a. School hi a cover lova. Amaherawhchu, kang sikula kha elementary stage a la awm an nih chuan engemaw gap ti mai ila, an harsatna han puih ang chi kawnga hi chu a chang chuan kan nei ve mai thin a tih kha kan sawi duh a ni.

Tin, Pu Duha han zawhna kha lumpsum grant 2003-a kan han dah tun hnaia adhoc grant-in-aid stage-ah khan sikul 202 kan han dah chhova, tunah hian kan han buaipui chho mek a. Zirtirtute pawh kan han screen chhova. Kan tifel thawkhat tawh a. Amaherawhchu, hlawh kha an la la thei lova, hei hi mumal taka Sawrkarin khami zirtirtute dinhmun siamna tur ang chi te kha kan han tifel chho ang a, ka hriatsual loh chuan October, ni 1 atanga effective turin ka hria a. Hei hi an hlawh pawh Finance leh Planning tangrualin an ngaihtuah mek a, hun reiloteah kan pek theih mai ka beisei tih kha ka chhanna a ni e.

Tin, kan MLA zahawm tak Pu Zodintluanga zawhna a kha khatiang political party a inthlem luhna ang chi emaw "I nih loh chuan kan ban ang che", tih kha kei chuan ka hremiah lo mai a. Amaherawhchu, khatiang thila kha sawrkarin tih kan tum lo a ni tih kan tum lo a ni tih kha chu assurance ka pe thei ah ngai ila a harsa lovang. Kan lak dana hi quality zawngin kan la lo thei lova. Chuvang chuan, a tling leh tha tur kha ngaihtuah kan tum hram hram a ni tih kha kan chhanna ni mai sela.

A tawp berah Pu Rintea zawhna kha a pawimawh khawp a, chhan kan tum ang a. Nia, SSA hi Central atanga tangka avaiia kan dawn a ni lo tih hi kan hriat a thain ka hria a. Tenth Plan period chhung khan a matching share kan tih sharing ratio-a kha Central sawrkarin 75% SSA sum zawng zawng hi arawn tum a, za a 25 kha kan State sawrkarin arawn tum a ni. Tah khan 10<sup>th</sup> Plan period tawp dawn kum 2 bawr velah khan 75:25 pawh hi a bik takin N.E. State ah chuan Special category State kan ni a. "Kan harsat khawp mai 100 a 25 State-in kan tum hi", tun Committee/Conference vawi engemaw zat kan neih ah Prime Minister te, Dy. Chairman, Planning Commission te, Finance Minister beng kan thlen tir a, ziakin resolution kan thehlut a, min ngaipawimawh ta viau mai a.

Tahchuan, 10<sup>th</sup> Plan period kum 2 bawr vel a la awm khan, tiang hian ruahmanna N.E. State tan min siamsak ta a. 75% hi Central sawrkarin a tum ang a. Chuan 15% hi DONER Ministry-in tangka tum rawh se tiin min phalsak a. Chuan, 10% kha State-in NE bikah chuan kan tum ta a.

Amaherawhchu, chu 10% Plan period-a chu kan hriat angin nikum khan a tawp ta a. 11<sup>th</sup> Plan atanga kan han lut ta chiah hi a buaithlak ta khawp mai a. SSA hi 11<sup>th</sup> Plan a zawm tur a nih hian a matching share hi a sang ta lutuk a. Central sorkarin 50% a tih kha chu kalpui ngaihna a awm lo hrim hrim a ni. India ram khawi State-ah pawh hian, an harsat a ni, tih ngaihna a awm lo. North East bawr hian theihtawpin tan kan la a. Kan Chief Minister te pawhin a supporting-na tur atan theihtawpin tan min lak pui bawk a. Tichuan kan conference khanin Prime Minister beng thleng leh Central sorkar hruaitu zawng zawng beng thlengin nawr a ni ta a. Pu Speaker, kan vaneih zia hi sawi ka duh a. 11<sup>th</sup> Plan nikuma a intan atang khan N.E. State bikah hian 90% Central-in a tum ta a. 10% State-in kan tum ta a. N.E. pawn lam State zawng zawng kha chuan State-in 6% Central-in 40%. Nakumah phei chuan Financial year tharah hian ka hriatsual loh chuan 50% N.E. pawnah State-in a tum ang a, 50% State-in. An kalpui hlei thei lo mai thei State tam tak chuan, mahse. kan vaneihna em em chu Central sorkar hruaitute hnenah pawh lawmthu ka zuk sawi a. N.E. State-ah chuan 11<sup>th</sup> Plan period tawp 2012 kum thleng hian 90% Central-in an tum dawn a. Keini State sorkar hian 10% chauh kan tum dawn a. Chumi avang chuan N.E. State bik 8 Sikim tel hian vaibelchhe tam tak hemi avang hianin hlawkna leh hamthatna kan hmuh phah a ni tih hi ka sawi duh a. Engpawh nisela, Pu Rintea han zawh ang khan State sorkar hian engmah tum lo angin kan lo hre palh ang tih ka hlau a. kan tum a, tin, nasa takin kan fight a ni.

Tichuan zirtirtu hi tunah hian SSA hnuaijah kum 8 chhung hian 3975 lak an ni. Chi hrang hrang hlawh tlem chi 2500 hlawh E.D. teacher kan tih te nen lam khan. Chutiang chuan nasa takin employment pawh he mission hmang hianin generate a ni. Amaherawhchu, thil pakhat, kan information atan ka sawi lawk duh chu SSA Mission hi tunah hian a la awm chho zel ang a. Chumi rual chuan Central sorkarin hemi secondary education High School te leh Higher lampang tihna tur atan universalize atan hian nasa takin tan lak a rawt kan tum a, hei hi N.E. Minister hoin kan nawrna rah niin ka hria a. Tunah hian 11<sup>th</sup> Plan thlenga 2012 thlenga tangka an dah hi secondary education ah hian vaibelchhe singthum a tling a ni. Hemi hmang hianin mission din a ngai ta a. Kar hmasa khan Mizoram Education Mission din turin hma kan la a. Khami mission-ah khan October kan han tih a hi tlemin hei engeni, kum khatah thla sawmpahnih a lo awm a. A kum chanve ang deuh six month ang kha chuanin grand pawh kha pek a ni tho turah kan ngai a. Amaherawhchu, October nikhat kan han tih kha kan inbuatsaihna tur zawng zawng nena kan han ngaihtuah khan sum harsat kum Mautam kum te a lo ni nen, kan Chief Minister ngaihtuahna tam tak a hmanna karah harsa tak chungin kan han ti a ni. Rang taka kan tih theih lohnaah kan member pui pawn min hriatthiam ka duh a ni.

- PU LALDUHOMA** : Pu Speaker, October hma lama an lo thawh tawhna hlawh kha an hmu dawn lo tihna a mi? Thawh tir tawh si, appointment pe tawh si a. October atang chauh a nih leh si chuan? tunah an thawk reng tawh si a.
- S P E A K E R** : April atanga September thla chhung thla ruk a kha engtinge a kal ang?
- Dr. R.LALTHANGLIANA MINISTER** : Pu Speaker, kha lai kha chu sorkarin Finance Department leh Planning Department te nen I rawnin sum dinhmun enin ngaihtuah tur chiah ka ngai.
- S P E A K E R** : Le, Starred Question pahnihna Pu Nihar a hi zawt ve ngai lo em mai a. A special in ti teh ang.
- PU NIHAR KANTI CHAKMA** : Pu Speaker, a lawmawm e. Ka zawhna hi SSA zirtirtu ka bial chhungah hian engemaw zat ai kal tir a ni. Kha kha sorkar-in an hria em? Kha ka zawt a ni e.
- Dr. R.LALTHANGLIANA MINISTER** : Pu Speaker, a zo tawh emaw ka ti a. Engpawh nisela kha kha kan bialtu MLA Tlabung bialtu hianin a vei hle mai a. ka check tir a. Hei kan zo tep tawh a. An lo awm a ni. Entirnan zep thu a a wm lova, Chakma Medium School ah te khanin Mizo zirtirtu dah kha an lo awm a. Chung chuan zirtir pawh kha an harsat khawp mai a. Chumi avang chuan khang School harsatna bikah khan aikal tih ang zawng khan an lo kalpui a. Engpawh nise hei karleh hi chuan in kan fiah thei dawnin ka hria, kan chingfel thei turah ka ngai.



**S P E A K E R** : Starred Question pahnihna zawt turin member zahawm tak Pu S. Hiato ka sawm e.

**PU S. HIATO** : Pu Speaker, Chief Minister zahawm tak min chhan atan Mizoram Sorkar hnuaia Muster Roll a thawk senior tak tak tawhte tan Sorkarin eng ang chiahin nge hma a lak tawh ? tih a ni e.

**S P E A K E R** : A chhang turin Finance Department changtu Chief Minister zahawm tak Pu Zoramthanga i sawm ang.

**PU ZORAMTHANGA  
CHIEF MINISTER** : Pu Speaker, kan member zahawm tak Pu Hiato zawhna, a chhanna chu sorkar chuan regularisation of Muster Roll Employee Scheme, 2000 hman anih theih nan Committee a din tawh a. Hemi Committee hian a tul angin chak takin hma a la mek a, tichuan anih dan tura kalpui a, regularised theih turte regularised turin hma kan la char char e.

**PU S. HIATO** : Pu Speaker, kum 2000 atanga Committee din tawh, kum nga ni tawh si tunah tih tum kha a hman tawh dawn em ni ? Tin, a pahnihnaah - Hei kum 20 te, kum 18 te, kum 15 te, PHE ah te, Power & Electricity ah te, PWD ah te an thawk tawh hlawm a ni. A nuar pawh an nuar a, khatah khan pakhat mah ngaihtuah lovin Committee hian a dah zel rih mai em ni ? tih ka zawhbelh e.

**PU ZODINTLUANGA** : Pu Speaker, ka lawm e. Kan Sorkar zahawm tak Cabinet Meeting khan hmanni mai khan District Headquarter kha an puang a ni a, kha Cabinet Meeting khan District Headquarter an puan a kha a boundary tur hi an puang tel nghal em tih kan Finance Minister zahawm tak khan min hrilh thei se a lawmawm hle ang.

**S P E A K E R** : Muster Roll leh District Headquarter te kha chu a inhlal khawp mai a. Zawhbelhnate chhang turin Chief Minister ka sawm e.

**PU ZORAMTHANGA CHIEF MINISTER** : Pu Speaker, Pu Zodintluanga zawhna kha a in karkik viau a, amaherawhchu, han chhang tho ila. District kha a Headquarter tur kan pawm phawt a, a boundary tur erawh chu Sorkarin a ngaihtuah a, a relfel turah kan dah a ni a. A boundary tur kan la siam fel lova, kan la puang lo a ni.

Tin, kan member zahawm tak Pu S. Hiato-a zawhna kha - Hei, ava tlai tawh ve, kum 2000 a mi a ni a, hemi regularisation ah hian in va muang deuh ve a tih kha, a dikna chen a awm khawp a, a chhan chu he Scheme a hi kan han siam a, mahsela kan sum dinhmun te a harsat avangin regularisation a kalchho tur hian hemi against the post a regularised kha a ngai si a. Chuvangin, hlawh thuah te kan harsat avangin hmun ruak a awm ang ang khan kan fill up chiah ngam bik lova, chu chu a tlaina a ni a.

Amaherawhchu, tunhnuah erawh chuan kan theih ang tawkin hemi scheme ah hian in kal teh ang kan ti a, hma kan han la a, Committee-in an han en a, P.W.D. a ni emaw, P.H.E. a ni emaw, P & E a ni emaw Department dang emaw, khangah pawh a hmun ruak tuna kan han tihah chuan 25% chin a kha pek theih kan nei a. Amaherawhchu, a hmun ruak hemi hi tih khah nise tih chin a kha hmun ruak zawng zawng tih khah vek a kha chu kan tlin lo deuh a, Sorkar hian heti zat hi tih khah nise 25% emaw kha a ngai thin a. Amaherawhchu, chu pawh chu Department a senior te nen lakkhawm a ngai a, Department thenkhatah chuan Muster Roll Employee te kha kum 10 te an lo ni a, a thenah chuan kum 20 chuang te an ni a, kha kha Department khata senior deuh te kha belkhawm tlur lo deuhin rualkhai deuhin tih dante a awm em? tih hi a Committee hian a en deuh a. Chuvangin, hei hi kan theihtawpa hma lama tihfel turin tunah hian chak taka kalpui a ni e.

Tin, engmah ngaihtuah lovin in dah zel em ni? tih kha. Engmah ngaihtuah lovin dah love, rawn pe khawm ula tichuan an senior dan leh an particulars te nen chu chu Committee in Sorkara thlen turin hmalak mek a ni e.

**S P E A K E R** : Pu Duha hi insum thei se chu pakhat chu la leh thei ila mawle. Mahse, a duh hmel tlat si a. Pu Lalduhoma i sawm ang.

**PU LALDUHOMA** : Pu Speaker, District boundary kha la siamfel loh anih chuan keini Ratu bial khian Saitual hnuaia awm kan duhlo tih kha min lo hriat sak sela. Demand Committee a awmve a, Darlawin in District dang an dil ve nghal a ni tih kha min lo hriat sak bawk sela.

Tin, Veirengte lam pek tumna a awm ni a hriatna te kan nei a, Development Council Area khi Remna thuthlungah khan thendarh thianglo tur tih a ni a. District pahnihah Council Area khi min then mai ang tithe kan hlau a. Chuvangin, Saitual a beh ai chuan a hranpaa District neih ve kan duh a, kan hotuten Chief Minister hmuh an tum a, a lo hmu duhlo thin a Pu Speaker, lo hmu duh ve hram teh se.

**S P E A K E R** : District lam kan lut ta laklawh bawk a, Pu R.Lalzirliana pawh a phar e, hei hi a tawpna, a hnuhnung ber ni ta sela a tha ang e.

**PU R. LALZIRLIANA** : Pu Speaker, ka lawm e. District Sorkar-in a han puang hi a District chhunga awm tan chuan a lawmawm khawp a. Mahse, thil tak tak ngaihtuah Sorkar tan chuan a zahthlak deuh hlek a, a process hi a in kalthelh lutuk a, chuvangin waviin niah hian a pawl ka ti hle a. Advertisement-te alo chhuak a, kan han hmu a, District kan sem mek a, a duh chuan Hnam Run-ah a dilna form a lak theih, hrechiang duh chuan inthlan puan hmain office hour chhungin Chief Minister Office ah zawhfiah theih a ni e, tihte hi a lo awm tlat mai a. District diltute chu engzatnge ? tih kha kan zawtbelh mai mai a ni.

**PU K. LALRINLIANA** : Pu Speaker, ka lawm e. District kan sawi rau rau bawk a. District pek a lo ni ta hi lawmawm ka ti a, kan lawm zia pawh T.V ah te kan hmu a, pek tak thut avanga lawm lote pawh kan awm ni awm tak a ni a. Engpawhnise, hun tawng in a zir ang a, kan zawh duh chu hlawhbi chungchang ah hian sorkar hnathawk association hrang hrangte kan hlawh in mite kan tluk velo tihte hi a tam a, helai tak hi kan House Leader in sawifiahna hun nei thei se ka duh khawp mai a, chulai chu kan zawt duh a.

Tin, 6<sup>th</sup> Pay Commission Recommendation hi sorkarin hriattirna engemaw kan dawng ve tawh em ? tihte pawh kha kan zawt tel nghal duh a ni, ka lawm e.

**S P E A K E R** : A chhang turin Chief Minister zahawm tak ilo sawm ang. A relevant lo kha chu chhan tul a tih lemloh chuan chhanglo sela.

**PU ZORAMTHANGA CHIEF MINISTER** : Pu Speaker, ka lawm e. Kan question nen chuan a in persan ang reng tawh viau a. Mahse a a hminga House-a Leader nih chuan kan chhan theih ang chi chi kan chhan kha kan tih tur ah pawh ka ngai a. District boundary chu sorkarin a siamfel lova, ngun takin mipui tam berte duh dante pawh thlir chungin siam tur a ni ang tih ka ring a. Tin, remchang tur ang chite, remchanglo tur ang chite, factor chi hrang hrang mipuite duhdan nen enchungin District boundary te pawh kha la siam ngei tur a ni ang tih ka ring bawk a.

Tin, District Advertisement tih kha chu kan lo hrelo a, khatiang kha a lo awm anih pawhin kha kha zawng awmze neilo a ni a, kan hotuten khang kha chu tuten emaw fiamthua tih mai mai ani ange tih kha min lo hriatsak ula.

Tin, kan member zahawm tak Pu Rintea sawi, pay chungchang thuah chuan kan theihtawpin kan han ti a, a lo in chinghnawk tam rei tawh si a, tuna kan han chinfelna pawh hi kan duhthu a la sam hauh lova. Mahse, hun in min permit tawh tawh lova, kan theih ang tawh tawh chuan kan han ti a, amaherawhchu chuti chung chuan kan duh ang chuan a fel kim tawh lova. Engpawhnise, heng hi kan la enfel zui zel turah sorkar chuan a ngai a. Mahse, tunah rih chuan tuna kan chinfel theih ang tawh hian lokal phawt sela hei hi nakinah hunin a rawn hril ang zel leh hun kan neih ang zela sorkarin a la tihfel zui tur ani ang tih ka ring a.

Tin, 6<sup>th</sup> Pay Commission chungchang thuah chuan tunhnai khan Gazette alo ni ta a, notify alo ni ta a, hemi thuah hian hlawh hi a sang ang reng viau dawn a, hemi anga kal anih chuan. North East Chief Minister thenkhatte chuan min rawn phone a, hetiang hian kan kal dawn anih chuan kan state sum hian a tlinlo viau mai dawn a; central sorkar hian min puihna pawh tisang turin nawr ho ila a tha ang a, a bik takin North Eastern State leh Special Category te chuan tih te pawh an rawn rawt a. Engpawhnise, 6<sup>th</sup> Pay Commission chu tunah kan zir mek a, keini pawhin Mizoram tan eng anga hman theih tur nge, eng anga inmil tur nge tih kan sum dinhmunte enin tuna kan pay step chi hran hrante nena dahkhawm rem dan tur, a entur kan insiam a, a thlir pawh kan thlir mek reng e, tih kha ka chhanna a ni e.

**S P E A K E R** : Ratu bial District lam kha chu chhan a rem chiahlo a ni maw ? Question Hour a tawp ta a, List of Business angin kan kal dawn ang a. Chumi hmam vawin kan roelnaah hian kan member pui, member zahawm tak Pu H. Lalsangzuala medical check up a New Delhi-a a awm avangin kan zingah a lo tel theilo a ni. Tunah chuan laying of papers a ni a, Minister zahawm tak Pu B. Lalthlengliana paper pathum lay tur a nei a, hun a renawm vak lovin ka hria a, pakhat te te hian rawn lay dawn ta sela. Minister zahawm tak Pu B. Lalthlengliana 'The Mizoram Value Added Tax Amendment Rules, 2008' House-ah lay turin ka sawm e.

**PU B. LALTHLENGLIANA:  
MINISTER** Pu Speaker, i phalna leh he House zahawm tak remtihna in 'The Mizoram Value Added Tax Amendment Rules, 2008' he House zahawm takah hian ka lay e.

**S P E A K E R** : A copy kha han sem ni sela. 'The Mizoram (Constitution of State Election Commission) Rules, 2008' House dawhkanah lay turin ka sawm e. Minister-in han lay sela.

**PU B. LALTHLENGLIANA:  
MINISTER** Pu Speaker, i phalna leh he House remtihna in 'The Mizoram Constitution of State Election Commission Rules, 2005' he House zahawm takah hian ka rawn lay e.

**S P E A K E R** : A copy kha sem ula, Minister zahawm tak Pu B. Lalthlengliana bawk "The Aizawl Development Authority Amendment Rules, 2008" House dawhkanah han lay sela.

**PU B. LALTHLENGLIANA MINISTER** : Pu Speaker, i phalna leh he House remtihna in "The Aizawl Development Authority Amendment Rules, 2008" House dawhkanah hian ka rawn lay e.

**S P E A K E R** : A copy te sem sela. Tunah chuan Chief Minister zahawm tak Pu Zoramthanga, "The Sinlung Hills Development Council Constitution and Conduct of Business Rules, 2008" House ah lay turin ka sawm e.

**PU ZORAMTHANGA CHIEF MINISTER** : Pu Speaker, i remtihna leh House remtihna in "The Sinlung Hills Development Council, Constitution and Conduct of Business Rules, 2008" he House dawhkanah hian ka rawn lay e.

**PU LALDUHOMA** : Pu Speaker, Rules a rawn lay hi a Act a la awm silova, Act la awm lo Rules House a rawn pharh hi a kalhmang tur em ni ? Sorkarin order angin an siam thei tho si a, mipui ten an nghahhlelh'em em mah nise, dan ang thlapa han tih a, kan duhsak anih chuan a Act kha han ti hmasa sela. Chumi hnuah a Rules hian rawn zui sela, a Act a ber awm silova, Rules-in a hmakhalh tlat leh House a han lay nghal mai tur hi kan House kalhmang tur hi a ni dawn emaw ni le ? Precedent thalo te pawh kan siam thei mai lo maw ?

**S P E A K E R** : Member zahawm tak sawi kha a dik a, BAC kan thutkhawm pawh khan sawilan a ni a. Tin, kan PAD changtu Minister in rawn zir chiang se kan ti a, a rawn zir chiang a. Keini Assembly lam pawhin kan zir chiang a, mahse zirtur vak a awm lo. Pu Thlenga'n Rules 3 a rawn put luh kha chu a Act-in a phut anga

rawn put luh ngei ngei ngai, obligatory a ni a, Sinlung chungchang hi chu obligatory a ni lova, amaherawhchu Policy matter lian tham a ni a, chu chu Parliament-ah pawh a khapna a awm lova, keini ah pawh khapna a awm lova. Sorkarin Policy matter Assembly in min hriatpui ve se a tih a kha a rawn putluh phallohna dan kha a awm lova ni. Chuvang chuan pulut sela, "House property ni ve sela, a duh chuan House in scrutiny tirin, Subordinate Legislation Committee tepawhin an zir theih turin House property ah awm ve se kan duh a ni" Sorkarin a tih avangin a khapna a awm silova, a theih lohna pawh a awm hran lo. A sawi kha a dik chiah, a Act a awmlo, MoU atanga he Sinlung Council hi lo ding a ni a. Tin. MoU behchhana he Rules 2 pawh hi Sorkar khan a siam mai a ni a. Chuvang chuan, "House property ah awm ve se kan duh a ni e" an tih avang khan 'rawn pulut mai sela, heng pawh hi House property ah a awm ve ang a, chuvang chuan House in duh duhin a ching ve thei ang chu' tiin kan phalsak ta a ni.

Tichuan Sinlung Hills Development Council Election Rules, 2008 House dawhkana pharh turin Pu Zoramthanga, Chief Minister zahawm tak ka sawm e.

**PU ZORAMTHANGA  
CHIEF MINISTER** : Pu Speaker, he House dawhkanah hian i phalna in Sinlung Hills Development Council Election Rules, 2008 hi ka rawn lay e.

**S P E A K E R** : Tun tum kan Session-ah kan Mic a tha lo fo mai a, zahte pawh a zahthlak a, pawl ka ti a. Member-te hnenah thupha ka chawi a ni. List of Business angin kan kal ang a, Minister zahawm tak Pu Tawnluia "The Mizoram Water Supplies (Control) (Amendment) Rules, 2008" lay turin ka sawm e.

**PU TAWNLUIA  
MINISTER** : Pu Speaker, i phalnain "The Mizoram Water Supplies (Control) (Amendment) Rules, 2008" chu House-ah ka rawn lay e.

**SPEAKER** : A copy sem nise.  
Member zahawm tak Pu Lalduhoma, Action Taken Report of Public Accounts Committee” lay turin ka sawm e.

**PU LALDUHOMA** : Pu Speaker, i phalna leh he House remtihain “Action Taken Report of Public Accounts Committee” chu House zahawm takah hian ka rawn lay e.

**SPEAKER** : A copy sem nise,  
Kan PAC te hi an active riauva, thil harsa tak tak pawh an hun chhung hian an chingfel a ni.

Kan dan 194 (2)-na angin House Member banna puan tur ka nei a –

1. Pu Andrew Lalherliana – Ni 1.9.2008 Dar 11:53 P.M.-ah banna Speaker hnenah a thehlut a, hemi ni vek hian pawm sak a ni.
2. Pu Saikapthianga – ni 1.9.2008 tlai Dar 5:00 P.M.-ah a banna Speaker hnenah a thehlut a, hemi ni vek hian pawm sak a ni.

September ni 3, 2008 khan BAC Meeting chuan tuna kan Session lo awm tur programme hi a duang a. Tunah House dawhkanah ka rawn present a, kan pawm thei em ? A copy Member-te hnenah sem nise. Tunah hian Sorkar lam atangin Bill a awm lo bawh a, nikhat atana tih a ni a, kan pawm thei mai em ?

Tunah Member zahawm tak Pu R.Lalzirliana, “Third Report of Committee on Government Assurances (2006-2008)” present turin i lo sawm ang u.

**PU R.LALZIRLIANA** : Pu Speaker, ka lawm e. I phalna leh remtihain “The Third Report of Committee on Government Assurances (2006-2008)” ka rawn present e.



**S P E A K E R** : A lawmawm e, a copy te kha sem nise a tha ang e.

Tunah chuan Pu Lalduhoma "45 Report of PAC relating to SAD" present turin ka sawm e.

**PU LALDUHOMA** : Pu Speaker, i phalna leh remtihain "45 Report of PAC relating to SAD" hi House-ah ka present e.

**S P E A K E R** : A copy sem nise.

(Pu Zira : Pu Speaker, ka presentation kha ka chang ve miah lo a nia). A copy a lo indaih lova, an lamtir mek a. A present-tu pawh chantir loh chu a dik lo hrim hrim.

Tunah Pu K.Lalrinliana, Chairman zahawm tak Subject Committee-I chu "5<sup>th</sup> Report of Subject Committee-I relating to GAD" House-ah present turin ka sawm e.

**PU K.LALRINLIANA** : Pu Speaker, i phalna leh remtihain "5<sup>th</sup> Report of Subject Committee-I relating to GAD" chu House-ah ka present e.

**S P E A K E R** : Kan List of Business chu kan lo zo ta a, a copy kha han sem teh u. Pu Zira Report copy pawh a lo thleng a, han sem char char rawh u.

List of Business-a lang chu kan zo ta a, amaherawhchu, tun tum Assembly hi ni 1 (khat) lek awn tura duan a ni a. Hemi chhunga kan hnathawh tlangpuite chu hetiang hi a ni :-

1. **OBITUARY**

Kan Member pui **PU AICHHINGA**, Minister chuan Chatuan ram min lo pan san tak avangin a sunna hun hman a ni a, Member te :

1. Pu Zoramthanga, House Leader
2. Pu Lal Thanhawla
3. Pu Lalhmingthanga
4. Pu H.Vanlalauva
5. Pu Lalduhoma
6. Pu Tawnluia te hian uina thu an sawi hnuin zahna entirman minute khat chhung ngawi renga din a ni.

2. **QUESTIONS :**

(1)	Zawhna dawn zat	-	104
(2)	Admitted	-	90
(3)	Rejected	-	14
(4)	Clubbed	-	3
(5)	List of Business a dah	-	20
(6)	House-a chhan zat	-	2
(7)	House-a chhan hman loh	-	18
(8)	Statted Questions atanga		
	Unstarred Question a leh zat-		67

3. **CHHANNA DEPARTMENT ATANGA HMUH LOH TE :**

(1)	Starred Question No. 32 After ballot No. 14 – Industries Department.		
(2)	Starred Question No. 22	-	Public Works Department.
(3)	Starred Question No. 23	-	-do-
(4)	Starred Question No. 51	-	-do-
(5)	Starred Question No. 59	-	-do-
(6)	Starred Question No. 69	-	-do-
(7)	Starred Question N. 79	-	-do-

4. **LAYING OF PAPERS :** Heng a hnuai mite hi House Table-ah lay a ni.

- (1) The Mizoram Value Added Tax (Amendment) Rules, 2008.
- (2) The Mizoram (Constitution of State Election Commission) Rules, 2008.
- (3) The Aizawl Development Authority (Amendment) Rules, 2008.
- (5) The Sinlung Hills Development Council (Constitution and Conduct of Business) Rules, 2008.

- (5) The Sinlung Hills Development Council (Election) Rules, 2008.
  - (6) The Mizoram Water Supplies (Control) (Amendment) Rules, 2008.
  - (7) The Statement of Action taken on Action Taken Report of the Public Accounts Committee.
5. **ANNOUNCEMENT** : Kan Rules of Procedure and Conduct of Business-in Mizoram Legislative Assembly Dan 19(2) in a phut angin Hon'ble Speaker-in Pu Andrew Lalherliana Pu Saikapthianga te ban thu Member te hriattir an ni.
6. **HOUSE-AH HENGTE HI PRESENT A NI BAWK.**
- (1) **PU LALCHAMLIANA**, Speaker-in Business Advisory Committee Report (tun Session) a pe
  - (2) **PU R.LALZIRLIANA**, Chairman chuan Committee on Government Assurances (2006-2008) Third Report a pe.
  - (3) **PU LALDUHOMA**, Chairman-in Secretariat Administratin Department chungchang Public Accounts Committee Forty Fifth Report a pe.
  - (4) **PU K.LALRINLIANA**, chuan General Administration Department chungchang Subject Committee -I Fifth Report a pe.

Tichuan, kan Session chhungin memberten taima tak leh thahnemngai taka min tawiawmna avangin leh ruahman anga kan programme siam kan zawh theih avangin inzavaia chungah lawmthu ka sawi a ni.

Kan Session chu kan lo zo dawn ta a, tun tum session hi Mizoram State Assembly ding laia session hnukung ber a lo ni ta reng mai a, chuvangin thu tlem han sawi ka duh a.

Kum nga kal ta chhung khan Pathian leh kan hotute remruatna angin, ka tlin loh ang angin he thutthleng zahawm tak hi luahin Speaker dinhmun ka lo chelh ta a, House member senior leh rorelnaa tel rei tawh pawh ka nih bik loh avangin, he dinhmun ka luah tirha ka thusawi hmasa berah pawh, kan hotute remruatna chu ka huphurhin, he dinhmun sang tak leh zahawm tak luah tur hian ka insit tak meuh a ni tih he House zahawm takah hian in hmaah ka sawi tawh a ni kha.

Khata ngenna ka siam ang khan, kum nga kal ta chhung khan kan rorelnaah member-te tawiawmna ka dawng nasa hle tih ka inhria a, lawmawm ka ti takzet a ni. Rorel lai pawlte leh eptu lama mite pawhin, in zavaiin, theihtawp chhuahin min tawiawm a, kan rorelna in leh mipuite tana kan

rorel dan hrim hrimah pawh, zahawm takin engkim kan ti tlang niin ka hria a. Parliament session te, state dang Assembly Session te pawh TV-ah te kan hmu thin a, ruahman anga House kalpui theih loh khawpa in-auh buai leh harsatna siam te, rorelna chawlh lailawk fo te, tharum thawhna hialte a thleng fo thin a, a kaihruaitute ngenna zawng zawng a hlawhchham avanga dan hmanga inthunun leh inhremna thlenga lek a tul hialna, House zahawmna tibawrhbang thei thil a thleng fo thin.

Chutiang engmah awm lova he term kan han hmanng zo tlang thei hi keini, he House kaihruaitute felna leh finna avang a ni hauh lo tih ka hria a, member-ten in tih tur te, in tih loh tur chin te in hria a, chumi anga in awm thin avang chu a ni zawk a, kei leh kan Deputy Speaker zahawm tak, Pu C.Lalrinsanga leh Asembly Secretariat pumpui aiawhin lawmthu ka sawi a ni.

He House hian kan rual u, House hmasa lama roreltute atang tawh khan hmingthatna leh nungchang mawi a lo entir fo tawh thin a, kan Governor zahawm takin a sawi angin, Parliament leh state dang Assembly member-te pawhin an entawn tlak khawpin kan rorelna in hi member-ten in lo chawimawi tawh thin a ni. Tun term-ah pawh tun hma lama kan la tawn ngai loh, North East Region Commonwealth Parliamentary Association intawh khawmte kan han thleng a, state danga mipui aiawh lo kal khawmten min fak der ve hle a, Mizoram leh a rorelna in hi in chawimawi hle a ni.

He House hruaitu anga kum nga ka awm chhungin House chhungah chauh ni lo, pawn lam thleng pawhin member-te nena kan thawh hona leh inlaichinna a mawiin a duhawm tak meuhin ka hria a, inpawh tlang takin innel takin engkim kan ti tlang a, hei ngawt pawh hi ka tan chuan thil hriat reng tur a ni. House zahawmna leh member-te chanvo humhalh turin ka tlin loh ang angin, theihtawp chu chhuah ve-in ka inhria a, heti chung hian member-ten in mamawh leh in thilrawn thlen, in duh ang taka kan lo tihhlawhtlin theih lohte erawh chu tam tak a awm ang tih ka ring a, kan fel tawh lohna leh in duhthusam kan tlin lohna zawng zawngah, kan term tawpah hian thupha chawi ka duh a, famkim lo theuh kan nih avangin kan hun hman ho chhunga thil tha tawh lo leh duhthusam tling lo thil awm apiangte chu theihngihl tlang ila, a tha erawh chu vawng reng tlang turin ka sawm che u a ni.

Chhungkaw thilte pawh han sawi kai ta ila. Min lo hrethiam ula. He dinhmun ka luah ve chhung khan kan chhungkuaah vanduaina tawkin, mihring sawi dana chhiat vawi hnih lai kan tawh a, khang hun harsa tak, kan chhungkuain kan pal tlang laia min ngaihsakna leh min lainatna te, in khawngaihna kan chung a lo lang zawng zawng te kha kan chhungkaw tan chuan theihngihl rual a ni dawn lova, kan chung a in thatna zawng zawng kha kan dam chhunga kan hriat reng tur thil a tling takmeuh tih hi ka han sawi tel lo thei lo a ni.

Tunah chuan kan term chhung kan session hnunng ber chu kan lo hmang zo a ni ta a, kan tlin loh ang angin kan hun chu a lo liam dawn hnai ta. Dan pangngaiin reilote-ah House thar din turin kan inthlang leh dawn a, a thente hi chu House tharah member kan ni leh mai thei a, inthlana ding tawh lo leh tling lo palhte pawh kan awm ngei bawk ang. Engpawhnise, hun rei tawk tak, mipui rawngbawla dinhmun sang tak luah theia kan awm avang hian kan lawm theuh tur ni-ah ka ngai a, Pathian leh mipuiten hun dang min la pe a nih pawhin, a aia tha lehzuala ram leh mipuite rawngbawl turin inbuatsaih ila, kan chawlh a lo hun ve tawh a nih pawhin, House chhungah kher lo pawh, kan dam chhungin mipuite tana rawngbawltu kan nihna hi theihngihl lo turin member zahawm takte ka chah duh che u a ni.

Opposition active tak kan nei hi thil hlu a ni a, a lawmawm tak zet a ni, democracy-ah chuan opposition dinhmun hi a pawimawhin sorkar khalngiltu ber pawh an ni.

Tin, sorkar lam pawh an phak tawkah theitawp an chhuah in ka hria a, a lawmawm hle bawk a ni.

He term ding lai bul kan tan tirha member-te vawiina kan kim thei ta lo erawh hi chuan rilru a tipangkhang lo thei lova, nichina kan sun tak, kan member senior leh Minister zahawm tak, Pu Aichhinga leh a hma lawka kan then tak Pu Sainghaka kan han sun maite hian rilru a tihreawm hle a, an nupui fanau, an kalsan takte pawh vawiinah hian kan hre reng a ni.

Awle, a chungah kan han sawite bakah hian tun Fifth Legislative Assembly of Mizoram State, kum 5 chhunga House-a kan hnathawh leh thil thlang tlangpui te hetiang hian han sawi ila. Chungte chu :-

**SESSION** : Session hi tum 13 neih a ni a, Session-ah hian ni 92 chhung rorel nan hman a ni a, Session zawnng zawnng a hun kan hman zat rei zawnng chu darker 402:00 a ni.

**BUDGET** : Kum 2004 hian Budget vote on account pharh a ni a, abak chu full budget pharhin tluang taka Budget puitling tam zawk kan kalpui thei hi a ropui a, Department tinte tawiamna-ah kan lawm em em a ni.

**QUESTIONS** : Session tum 13 kan neih chhung hian zawhna Starred Question 3143 kan dawng a, heng zingah hian Question 275 rejected a ni a, 2868 zet pawm a ni a. Zawhna kan pawm zawnng zawnng atangin List of Business-ah 1499 dah a ni a, House chhungah zawhna

333 chhan a niin, 1166 chhan hman loh a ni a. Starred Question Unstarred Questions a kan leh zat chu 1187 a ni bawk. Nikhata zawhna chhan tam ber tumin zawhna 12 chhan a ni. Unstarred Question 1230 dawn a ni a, heng zingah hian 1090 pawm a ni a, 140 hnawl a ni a, Unstarred Question chhanna te hi House Table ah lay anni (28.3.2008)

- LAYING OF PAPERS** : Kum nga chhung hian Paper chi hrang hrang 97 House-ah lay a ni.
- REPORTS** : Committee hrang hrang report 61 present a ni.
- BILLS** : Sorkar Bill 59 lo lutin a zavaia pawm a niin House-in a passed a ni.
- ASSENT TO BILLS** : House-a Bill passed tawh te chu Governor's Assent lak an ni a, Bills passed tawh 59 te hi Governor Assent lak vek an ni tawh bawk.
- GOVERNOR'S ADDRESS** : Kum nga chhung hian Governor in House wawi ruk (6) a Address a ni.
- RESOLUTIONS** : Hemi hun chhung hian Private Members' Resolutions 219 lo lut in heng zingah hian Resolutions paruk (6) House in a pawm a ni.
- PRIVATE MEMBERS' BILLS** : Private Members' Bills pathum alo lut a. Hengte hi sawiho vek anni in House in a pass pui thei ta lo a ni.
- OFFICIAL RESOLUTION** : Kan hun chhung hian Official Resolution 29.3.2006 ah Pu B.Lalthlengliana, Minister putluh chu pawm a ni a, adopt a ni.
- MOTIONS** : Tun kum nga chhungin Motion lian tham panga (5) lai lo lut a awm a, chungte chu :-

- 1) **Cut Motion** : Dt. 16.11.2004 hian Pu Liansuama, Member zahawm takin Demand No.38 - Rural Development chungchangah Cut Motion a pulut a ni.

- 2) **Adjournment Motion** : Dt. 9.11.2004 hian Member zahawm tak Pu Liansuama'n Adjournment Motion a pulut a, pawmsak a niin sawiho a ni a, Member 10 laiin an sawiho hnu in a changtu Minister in Assurance a pek avangin vote la lova tihtawp a ni.
- 3) **Calling Attention Motion** : Dt. 13.3.2006 hian Member zahawmtak Pu Lalduhoma chuan Cachar Paper Mill Bamboo Supply chungchangah Calling Attention Motion hun a hmang bawk.
- 4) **No Confidence Motion** : Rule 141(1) of Rules of Procedure and Conduct of Business in Mizoram Legislative Assembly tlawhchhanin Pu Lalduhoma, Member zahawm takin sorkar rintawk lohna Motion a putluh chu dt. 2.4.2007 ah House-ah sawiho a ni a, a tlang zo ta lo a ni.
- 5) Dt. 3.4.2007 hian Pu Tawnluia, Home Minister in Rules of Procedure and Conduct of Business in Mizoram Legislative Assembly Dan 202 na tlawhchhan in Dan ang lova ralthuam tawlhrukna chungchang chhui turin Enquiry Committee dinna tur Motion a pulut a, pawmsak a ni.

**SPECIAL MENTIONS** : Tun kum nga chhung hian member ten mipuite tana thil tangkai te ngaihtuahin Special Mention (Zero Hour) Member 10 in hun an hmang bawk a ni.

**OBITUARY** : Tun term chhung hian Obituary hun wawi 5 hman a ni a, he hun kan hmanah hian kan member nilai pahnih Pu Sainghaka (1.7.2006) leh Pu Aichhinga (1.7.2008) te chatuan ram min pansan ta pual a neih tel a ngai hi Member te tan a lungchhiat thlak a, kan hunlaia hetiang vanduinna lo thleng hi pawl kan ti a, Member te pawhin thinlung takin kan tawrhpuia a ni.

**Half an Hour Discussion** hun vawikhat dt. 3.4.2007 hian member zahawm tak Pu Lalduhoma'n a hmang a ni.

**SPECIAL SESSION** : Kan term chhunga kan neih ve pakhat chu Dt. 24.9.2005 khan His Excellency Dr APJ Abdul Kalam, President of India in Mizoram a rawn tlawh a, House a Addressed avangin Special Session nikhat neih a ni.

**EMERGENCY SESSION** : Emergency Session hi 4<sup>th</sup> May, 2007 ah The Mizoram State Legislature Members (Removal of Disqualification) (Amendment) Bill, 2006 sawiho tura neih a ni.

**BYE - ELECTION** : Bye-Election pawh Assembly bial 5 ah neih a ni. Hei hi Member ban vang te, thihna avangte a neih a ni. Chungte chu 5-Chawngte(ST), 23-Kolasib, 26-Kawrthah, 28-Phuldungsei, 32-Tlungvel

**RESIGNATION** : Tun term chhung hian member engemaw zatin rokhawihna chi hrang hrang avangin banna an thehltut a, chungte chu -

1. Pu Saikapthianga, MLA - 16.8.2005
2. Pu Liansuama, MLA - 16.8.2005 (Noon)
3. Pu Rasik Mohan Chakma, MLA - 10.5.2006(Noon)
4. Pu Andrew Lalherliana, MLA - 1.9.2008
5. Pu Saikapthianga, MLA - 1.9.2008

**LEADER OF OPPOSITION** : Dt. 3.11.2006 atangin Leader of Opposition puitling kan nei ta lo a ni.

**SITTING ARRANGEMENT** : Tun kum nga chhung hian chhan hrang hrang avangin kan thutdan hi vawikua(9) lai siam that a ni baw.

Speaker ka nih chhung zawng hian min ngaihchan der thiamna te leh thian tha anga kan inkawm hona te hi ka tan chuan theihngihl ngai loh tur, hriatreng tur a ni kumkhua tawh dawn a ni. Heng lawmthu te, thuphachawina thute leh fuihna thute hmang hian Speaker ka nihna anga ka thuchah hnukung chu ka titawp ang a, Member-te in zavaiin chibai ka buk che u in, Inthlanpui lo awm tur atan duhsakna ka hlan che u a, mimal leh chhungkuaah pawh hlawhtlinna leh hmasawna thar nei zel turin ka duhsakna sang ber ka hlan nawn leh a che u. Pathian in malsawm che u rawh se.

Ka lawm e.

The House is adjourned sine die at 1 : 15 pm.